

Ukulangisha Amabulayo Yakwa Lesa- Lelo Musangonshi?

11 Abena Korinti 4:7, “Lelo tuli ne Cuma ici mu fipe fye bumba, ukuti ukucishamo kwa maka kube kwakwa Lesa, kabili tekuntu kwafuma kuli ifwe.”

Lesu mu Cebo Cakwe. Mulecetekela Lesu alasunga Icebo Cakwe? Icebo conse Yesu atile cali ni Mbuto. Ilyo mwasenda aka muti akanono ake cungwa, mwabika aka mbuto akanono mu mushili, kala pukila mu kamuti akanono. Kabili mukasende kalya aka muti akanono aka inch imo ubutali, kabili mwakabyala. Bushe mwalishiba ukutala icungwa ilili lyonse ilyo mukatala ukuswa ukufuma kuli kalya aka muti lili muli kena ili line? Mucine e mo lili. Nga talilimo, nikwisa uko lifumina? Tontonkanyeni fye; muli imina imyanda iya ma cungwa, mu kantu akanono akakulile ifi aka cimuti ce cungwa, imina imyanda ya ma cungwa, imina ya tumaluba, imina panuma yamina ya mubula. Nga takakwete, ni kwisa uko fifuma?

Nomba, kalya akamuti akanono kaba fye kwati nimwe (*Amalumbo 1:1-3*). Panuma ilyo mwapokelela Kristu mu musango wakanya akanono, lyena tulabyalilwa pamo muli Kristu (*1 Abena Korinti 12:13*). Nomba, icintu ceka aka akamuti akanono kacita, mulingile fye ukupongolwela amenshi pali kena, kabili kalatendeka ukunwa (*Esaya 44:3*). Kabili **ilyo kanwa iciputulwa ca kako icapelwa ukunwa, kena kalingile ukunwa ukucila filya**. Kena kalingile ukunwa ayengi mpaka katampa ukusunkila kunse utumisambo. Elyo

kalatwalilila fye ukulanwa mpaka kasunkila kunse amabula. Elyo kalatwalilila ukulanwa mpaka kasunkila kunse utumaluba. Elyo kalatwalilila fye ukulanwa mpaka kasunkila kunse ama cungwa. **Inshita fye yonse kalanwa, kalanwa, kalanwa.** [1]

Kabili ilyo icimuti cilenwa, cilatendeka ukusunkila kunse amabula ya ciko, utumpukwa twa ciko, cila sunkila kunse ifisabo fya cena cila mwaka. Ifisabo tafyaba mu mushili; ifisabo fiba mu cilimwa. Nibanga abaleiluka ici, soseni “ameni.” E ico mulemona, icisabo ciba mu cilimwa, kabili cila cilimwa cilingile ukunwa ku kafukauka kakwe. Ilyo imfula ileloka, ilapela icilimwa ubumi ukwakunwa. **Kabili ilyo cilenwa, cilakula.** Kabili cena cilakula mpaka caisa tendeka ukubalula, ngefyo ulukuta lwacita, ukubalula muli ino nshita. Kabili ilyo tulenwa, tulakula. Lelo nge cilimwa cakana ukunwa, lyena icimuti teti cikule. Kabili nga muli no kucetekela fye cena... [2]

Kabili ulya nimwe. Ilyo twabyalwa capamo muli Kristu **icintu fye ceka tulingile ukucita kunwa ukufuma ku bulayo Bwakwe, no kusunkila kunse. Ifintu fyonse ifyo mukabilapo fiba muli imwe ilyo mwapokelela Kristu, pa mulandu Kristu ali muli imwe** (*Abena Kolose 1:26-27*). Kabili **mulingile ukunwa fye ukufuma ku Cebo Cakwe, Umweo Wakwe, no kusunkila kunse.** Owe, ee. Nali cetekela Wene ukuba amenshi ayesa pali ifwe (*Yohane 4:14*). Ena e Mweo. Nalicetekela Ena e kafukauka akashikama aka Mweo (*Amalumbo 36:9*) **umo ifwe twabyalwa muli Wene no kusunkila kunse.**

[1]

Kabili Kristu afwilile imwe, kabili imwe mwali byalwa ukufuma mwi sonde ukulimbwa muli Kristu (*Abena Galatia 1:4; Abena Efese 2:6*). **Kabili ifintu fyonse imwe mukabilapo fili fye muli imwe ku lubatisho lwa**

Mupashi wa Mushilo (*Abena Kolose 2:9-10*). Bushe ici te cishinka? Nomba, **icintu fye ceka mulingile ukucita caba fye ukutendeka ukunwa ukufuma kuli Cilya.** [2]

Kabili ilyo twaba ababomfi bakwa Lesa abafyalwa libili, Imbuto yakwa Lesa iyabyalwa mu mutima wesu (*1 Yohane 3:9*), ifwe tutwalilila fye ukunwa, ukunwa, kabili ukusunkila kunse. **Ifintu fyonse ifyo mukabila muli ubu ubulendo bwa pano nse fyaba muli imwe ilyo mwapokelela ulubatisho lwa Mupashi wa Mushilo** (*11 Petro 1:3*). Icintu fye ceka mulingile ukucita kunwa no kusunkila kunse. Ukundapwa konse mwatalile ukukabila, ukusangalala konse mukatala ukukabila, amaka yonse mukatala ukukabila, **ifintu fyonse ifyo mukabilapo fyaba muli imwe ilyo mukwete Kristu muli imwe. Lelo icintu ceka ico mulingile ukucita cili twalilileni fye ukulanwa, ukulanwa.**

Abantu tabakwata icilaka nganshi. Baibele itila, *“Mwalishuka ilyo mwakwata insala ne cilaka ca bulungami.”* (*Mateo 5:6*). Ilyo muli ne cilaka, imwe kuti mwanwa. Kabili ilyo mwanwa sana, e lyo mwingafunguluka nganshi. Mulakwata ukusenamina ukwingi, mulakwata amaka ayengi, mulakwata icitetekelo icingi ilyo mwatwalilila ukunwa ukufuma kuli Kristu Uyo uwaba akafukauka akashikama aka mweo, ukunwa, umusango wa Mbuto. [1]

Kabili cili no kuleta filya fine fye ifyo imbuto ili. Nga cena bulayo, Lesa alilaya ukucita cena. Lesa ali uwaposako amano kuli cena, kabili Ena ali no kucita.

[3]

Nga teti mutetekele... *“Cisuma, nalicetekela ukutula Yesu Kristu ala mpususha.”* (*Marko 16:16*). Cilya cisuma. Lyena inga palwa Mupashi wa Mushilo? Mulecetekela kuti amupela Umupashi wa Mushilo; Ena alaile ici kuli imwe (*Yohane 7:37-39*). Palwa kundapwa kwa Bulesa,

cetekeleni kwena: Ena alilaya ici kuli imwe (1 Petro 2:24). **Amapalo ayali yonse aya kulubulwa yenu; nweni fye, no kunwa, no kusunkila kunse.** E pela fye. **Ifintu fyonse ifyo mukabilapo fili muli imwe.**

Ilyo mwapokelela Mupashi wa Mushilo, ifintu fyonse ifyo mukabilapo pakati ka pano ukufika ku bukata fili fye muli imwe lyena. Tacili icitetekelo ico mule fwaikwa. **Namukwata icitetekelo, nga namukwata Mupashi wa Mushilo, pantu Ena e citetekelo cenu (11 Abena Korinti 4:13).** Lelo icintu ico mulingile ukwishiba, caba ukwishiba ifya kubomfya cilya citetekelo. Mwamona ico ndepilibula? Kabili nga kuti mwailuka fye ifya kubomfya cena, muli no kumona icacishamo, mubwingi nganshi ukucila ifyo mwingacita, atemwa ukutontonkanya pali Shikulu (Yohane 10:10). [4]

Ndemweba ubo ubwaba ubwafya na Benakristu ilelo: **imwe tamupokelela ifingi pa lubatisho lwenu ulwa Mupashi wa Mushilo.** Buleni no kunwa, no kunwa, no kunwa, no kunwa mpaka mulete ipusukilo, mulete ukundapwa kwa Bulesa, ukuleta ulubatisho lwa Mupashi wa Mushilo. Nweni fye, ukunwa, ukunwa. Kabili mwalibyalwa ku kafukauka akashikama aka Mweo, uyo uwaba ni Yesu Kristu. Uyo uli ne cilaka lekeni anwe, uyo uleumfwa, asose, “Isa. Uyo onse ulefwaya lekeni ese no kunwa ukufuma mu tumfukumfuku twa menshi ya Mweo ubupe fye” (Ukusokolola 22:17). Ameni. Ifyo lyaba itontonkanyo ilisuma ilya Wene palya. Lesa mu Cebo Cakwe. [5]

Kabili fyonse ifyo alingile ukucita caba ukunwa no kunwa no kusunkila kunse, no kunwa mpaka cila cisabo ica Mupashi, cila icabupe ica Mupashi, **ifintu fyonse ifyaba muli Kristu Yesu fyenu kabili fyakulaba muli imwe pa bulendo bonse.** [6]

Mwileka fye ilyo mwailunda ku lukuta kabili no kubatishiwa; twalilileni fye ukulanwa mpaka mwakwata icitetekelo pali ici, kabili icitetekelo pali cilya, kabili icitetekelo pali ici, no kusunkila kunse **mpaka imimonekele yonse iya Mupashi wa Mushilo ileikala mu lukuta.** [7]

Kabili ulya e musango Umwina kristu aba. **Ilyo mwabyalwa muli Kristu (1 Abena Korinti 1:30), icintu fye ceka mulingile ukucita cili ta mpeni ukunwa.** Cila senda fitaminii yakwe ukufuma mu menshi. Kabili Umwinakristu asenda amafitamini yakwe ukufuma mu Cebo. Lyena mulanwa, ukunwa ayengi, no kufunguluka, ukusunkila kunse. Ukuleta ipusukilo. **Ukuleta ukupitila mu Mupashi wa Mushilo.** Ukusunka, mpaka kulyo ukuboko ukwa lemana kwaololoka. Twalilileni fye ukunwa. Ukunwa. Ukubyalwa ku Kafukauka ka Mweo (*Amalumbo 1*). **Yesu Kristu e kafukauka aka Mweo akashikama (Amalumbo 36:8-9).** Nweni mpaka teti munwe na kabili. Nweni mpaka imwe mukolwe, ica kutila muli no kulabako amasambililo yenu yonse aya fya bulesa no kucetekela Lesa. Kabili nweni mpaka mube abatuntulu. Kabili elyo twalilileni fye ukulanwa. Ameni. Lesa wa mweo. [8]

Kabili nga imwe mwalibyalwa muli Wene, icintu fye ceka mulingile ukucita, **kulanwa fye ubusuma bwakwe no kuleta conse ico mulekabilapo muli ubu bulendo bwa panonse. Caba fye ukunwa, ukutusha, umutende.**

Te cilya ico imwe mulwisha no kuculila no kutintilapo, imwe mulecimfya ipange line ilyo mule imininako ilyo mwacita cilya. Ubwinakristu te cintu cimo, Lesa Umo mulingile ukulomba, no kulila, no kupapata, no kuleka ukulya, no kukwata insala, ne fintu fyonse nga filya ukupalamako. Mucine iyo. [9]

Icebo ca kwa Lesa ni mbuto. Lesa aba mu Cebo Cakwe. Lolekesheni pali Wene ilyo Ena alangisha Icebo Cakwe, ama bulayo yakwe pafyo Ena enga cita. Lolekesheni pa bantu umwanda umo na makumi yabili ukusenda Icebo cakwa Lesa, baile mpaka ku bushiku bwa Pentecosti, kabili balolele mpaka kulyo kalashikwa. *“Mukalolele mu musumba wa Yelusalemu mpaka mukapokelele amaka ukufuma ku mulu” (Luke 24:49).* Icebo cakwa Lesa caingile mu mitima yabo kabili balilolele kulya. Ni cinshi ico balecita? Ukwikala fye ukulasosa, “Cisuma, ndi no kumona ico icili no kucitika.” Teti mutapilishe cena muli ulya musango. Nga mwatila, “Cisuma, ee, nalicetekela mu kundapwa kwa Bulesa. Owe, mucine, kwaba muli Baibele.” Ulya te musango uwa kundapilwamo. **Imwe limbi kuti mwakwata imbuto, lelo mulingile ukutapilisha yena. Nomba, Baibele itila, “Ilyo bena bali pa muputule wa pamulu, bena balepala, no kutotela, no kulumbanya Lesa” (Luke 24:53).** Cinshi? Ukulumbanya Wene pantu balishibe uwali no kwisa, pantu bena balikwete imbuto mu mitima yabo, **ubulayo bwakwa Lesa.** ^[1] Bena bali mu muputule wa pa mulu cinshi? Ukulumbanya no kupala Lesa. **Kuli cinshi? Ubulayo;** bena bali shibe bwali no kwisa. Mwachimona co; **ingileni mu mulimo. Twalilileni ukulumbanya Lesa mpaka ubulayo bwa fikilishiwa. Mulingile ukukwata ubulayo.** ^[10]

Cili fye nga kuti catala **ukwikala mu mutima wenu,** imwe mucicinga, imwe pa macila, imwe kunse uko no bwafya bwa mutima, ipwalonda, imwe mu mpanga ya mulabasa, mu fipatala, konse uko mwingaba, **nga kuti mwapokelele Icebo ca kwa Lesa mu mutima wenu no kutapilisha cena no kulumbanya no kutotela kuli Lesa pa kupela cena kuli imwe, cena cili nokukula mu cimuti ca fyonse ifyo imbuto ileimininako.** Ukundapa,

ipusukilo, conse ifyo cibebelepo, cilye cimuti cili no kubalula.

Lelo mulingile ukunwa. Mulingile ukutapilisha yena, ukulisha yena, no kuleka yena ukukula. Kabili ilyo mulesubila nganshi muli Lesa... Nga imwe muli mu cicinga, kabili muli mu cipatala, kabili muli ababulebe nganshi icakutula tekuti museshe kano fye umunwe umo, twalilileni fye ukulasesha ulyo umunwe umo ku bukata bwakwa Lesa. Mailo mukasesha ukuboko kwenu. Ubushiku ubwakonkapo mukasesha ukuboko kwenu. Kabili muli no kwenda ca ili line nga imwe muli no kutwalilila ukutapilisha yena, ukulamena, ukukula, ukukuliko. Sendeni Icebo cakwa Lesa. Cena ni Mbuto. mucine, Cena ni Mbuto.

Les aapele Abraham ubulayo ngefyo ifwe tubelenga. **Kabili Abraham alekele ilya imbuto ukwingila mu mutima wakwe, ubulayo, kabili ali twalilile ukutapilisha yena no kulumbanya no kutotela kuli Lesa pa mwana,** kabili alolele imyaka amakumi yabili na fisano. Lelo icimuti (ubulayo) bwalishile ifyo fine, pa mulandu **ena atapishe bwena ne citetekelo** (*Abena Roma 4:19-22*). ^[1]

Mupashi wa Mushilo alya pa Cebo. Baibele caba ca kulya ca bumupashi Cakwa Lesa ica lukuta Lwakwe. Kabili Mupashi wa Mushilo e Uleta cena kuli imwe no kubika mu mutima wenu; **kabili no kutotela mulatapilisha Cena.** Kabili ubulayo ubuli bonse ubwa Bulesa buli no kuleta filya fine fye ifyo Lesa asosele cika cita. Cilingile ukuba. Cena Cebo Cakwe, kabili Cena Mweo (*Yohane 6:63*). ^[11]

“Nga imwe kuti mwa cetekela ukutula cena kuti ca citika...” Nga imwe teti mu cetekele cena, ta cacitike fye. Nomba, ine tekuti nenge imwe ukucetekela; napamo kuti mwailenga mwebene ukucetekela. Lesa

alingile ukupela cena kuli imwe. Cena ca bupe ca kwa Lesa ukucetekela (*Abena Efese 2:8-9*). Te citetekelo cenu, **citetekelo cakwa Lesa** (*Abena Galatia 2:19-21*). Icitetekelo cenu cabuntunse limbi kuti ca tetekela fye bwino, **lelo kano fye icitetekelo ca kwa Lesa cili mukati ka mutima wenu...**(*Abena Roma 10:8-10*). Mwamona, icitetekelo cenu ica buntunse kuti casumina cena; **citeni fye cilya no kutwalilila ukucetekela cena no mutima wenu onse mpaka Lesa ala sokolwela cena kuli imwe**. Twalilileni fye ukucetekela cena mpaka Lesa asokolola cena (*1 Petro 1:13*). [12]

Icebo conse ico Lesa asosa, Cena cilingile ukufikilishiwa. Lesa teti asose icili conse ukwabula cena ukufikilishiwa. **Ilyo Ena alanda Cena, cena mulimo uwapwishiwa**. Cena na cipwishiwa kale ilyo Lesa alanda Cena. **Lesa talanda mpaka Ena aba uwaiteyanya kuli cena ukuba; kabili, ilyo Ena alanda, cili fye kwati cena nacicitika kale**. Nomba, nga alanda cilya kuti catupela ishintililo ukubikapo icitetekelo cesu. Ilyo Lesa alanda Icebo, cena na cipwishiwa kale. Kabili inga pa ma bulayo Yakwe ayo Ena apela kuli ifwe? **Ifintu fyonse ifyo Ena asosa, cena mulimo uwapwishiwa kale. E ico kanshi, ilyo twapokelela Icebo Cakwe mu mutima wesu, cena nacicitwa kale, cena na cipwishiwa.** [13]

Moneni, Rebekah, ilyo umubomfi wakwa Abraham, Eliezer, aishile mu kusenda Rebekah, ali muninike pa ngamali, ingamali ine atapilishe. Kabili ainine pali iyi ngamali uku kumanya shibwinga wakwe ushalemoneka. **Ikintu cine atapilishe cali icintu ico icamusendele ku ng'anda yakwe iya kuntanshi no mulume wakwe** (*Ukutendeka 24:10-27, 61-67*).

Kabili caba icintu cimo cine ilelo. **Ikintu cine ico ulukuta luletapilisha**, ilya e Mbutu, Imbutu iya Cebo;

cena Cebo cine ico iciisa mukuba ica mweo no kutusenda kuli Shibwinga wesu ushimoneka. ^[14]

Umwakumona:

- [1] “Tulange ni Shifwe Elyo Tupeme” (59-0419E), par. 33-36, 150
- [2] “Umo Muli Ba Million” (65-0424), par. 84-87
- [3] “Yehoba Yire” (57-0106), par. 15
- [4] “Apo Ndetontonkanya Pentecost Yafililwe” (55-1111), par. 18
- [5] “Tulange ni Shifwe” (54-0811), par. 29
- [6] “Icifulo Ca Wacetekela Muli Kristu” (55-0227A), par. 41
- [7] “Ico Cisenda Ukucimfya Ukukana Cetekela” (60-0729), par. 54
- [8] “Impofu Bartimaeus” (55-0818), par. 15
- [9] “Icifimbo Ica Pakati” (56-0121), par. 25-26
- [10] “Ukongola Pamu Biye” (62-1013), par. 153
- [11] “Ukushikwa” (57-0420), par. 54
- [12] “Icitetekelo E Milimo Ukulangishiwa” (65-1126), par. 327
- [13] “Cintu Cayana Kuli Ifwe Ukufikilisha Ubulungami Bonse” (61-1001), par. 83-84
- [14] “Icikakatikilo Ica Lenga Fisano” (63-0322), pg. 347-348

Ilibwe Iya Bumupashi No. 105 ukufuma mu Cebo Casokololwa ca ino ora, lyatantikwa naba Gerd

Rodewald, Friedenstr. 69, D-75328 Schomberg,
Germany, [www. Bible believers.de](http://www.Biblebelievers.de)

Nga mulefwaya ututabo natumbi kuti mwatumina
lamya kuli ba Emmanuel Believers Fellowship
0966402048/ 0974367607 Isoka